


愛學習嘛愛會曉 tshit 退



/ 黃慧雯

古早人講：「花開佇春天，人生佇少年時。」這句話鼓勵少年人，愛把握時間認真學習，利用少年時加讀一寡仔冊，增加未來的智識佻能力。毋過，若是干焦規日坐牢牢，為課業成績咧奮鬥，其他的代誌攏無欲關心，按呢絕對是毋著矣。咱毋但愛認真讀冊，嘛愛即時行出去。因為，共課本暫時囹一邊，去外口 tshit 退、散氣，嘛是一種學習。

當然，我所講的 tshit 退，是有計畫性的要，毋是烏白摸飛，四界賴賴趁的 tshit 退。會記得舊年歇熱，阿母替我報名免費的活動，予我去中正大學的圖書館做志工。拄開始我是真毋情願，尾仔煞感覺足有意義的。因為彼幾工，我毋但學著冊的分類方式佻整理冊的銹角，閣利用歇暍時仔看幾若本好冊。上重要的是，我交著幾若个來自各縣市的好朋友，分享生活中的鹹酸甜。啊！這陣想起來，猶閣誠數念呢！

今年歇寒，阮規家伙安排出國，去日本的東京 tshit 退。我佻阿兄建議阿爸阿母自助旅行，自助旅行毋但會使訓練膽量，嘛較省錢。而且，日本的治安袂 bái，自助旅行應該是真安全。毋過，無人 tshuā 路，一定愛先做功課。所以佇出發進行，我佻阿兄毋但去買旅遊的冊來看，閣利用時間學日語，共一寡仔日常生

活會用著的話語學起來。尾仔，阮完成一擺充實、難忘的旅遊，食著真濟好食物，嘛感受著日本人清氣、有禮貌、做代誌頂真的精神。

人講：「食魚食肉，嘛著菜俗。」有學習嘛有 tshit 退的生活方式才是健康的學習方式，伊予阮國中生會當暫時脫離課業的壓力，轉換心情。嘛學著真濟課本內底無講的代誌，甚至會當和課本內底的智識互相印證，予阮袂變成「四書五經讀透透，毋捌龜龜龜龜」這種讀死冊的囡仔。

旅行、泅水、peh 山、參加營隊……tshit 退的方式滿滿是，我想，只要有心，只要願意，咱攏會當過著有學習嘛有 tshit 退的好日子！